



Na osnovu člana 68. stav (2) Zakona o organizaciji organa uprave u Federaciji Bosne i Hercegovine ("Službene novine Federacije Bosne i Hercegovine", broj 35/05), a u skladu sa Standardima interne kontrole u javnom sektoru u Federaciji Bosne i Hercegovine ("Službene novine Federacije Bosne i Hercegovine", broj 75/16) i člana 22. stav (6) Zakona o komunalnim djelatnostima ("Službene novine Kantona Sarajevo", broj 14/16, 43/16, 10/17 -ispr., 19/17, 20/18, 22/19) ministar saobraćaja Kantona Sarajevo d o n o s i

UPUTSTVO MINISTARSTVA SAOBRAĆAJA KANTONA SARAJEVO

za subvencioniranje javnog prevoza putnika na području Kantona Sarajevo

I

Ovim Uputstvom propisuje se metodologija i postupak odobravanja, kontrole i pravljenje utroška budžetskih sredstava koja su planirana u Budžetu Kantona za subvencioniranje javnog prevoza putnika na području Kantona Sarajevo.

II

Sredstva za subvencioniranje javnog prevoza putnika planiraju se u Budžetu Kantona Sarajevo za tekuću godinu.

Nakon usvajanja Budžeta Kantona Sarajevo, a na prijedlog Ministarstva saobraćaja (u daljem tekstu: Ministarstvo), Vlada Kantona Sarajevo donosi Odluku o usvajanju Programa utroška sredstava s kriterijima raspodjele sredstava tekućih i kapitalnih transfera Ministarstva saobraćaja Kantona Sarajevo utvrđenih Budžetom Kantona Sarajevo za tekuću godinu.

III

Sredstva za subvencioniranje javnog prevoza putnika doznachavaju se prevoznicima operaterima javnog prevoza u iznosu odobrenom u Budžetu.

U slučaju donošenja Odluke o privremenom finansiranju Budžeta, sredstva za subvencije javnog prevoza doznachavaju se mjesečno i to maksimalno do visine jedne dvanaestine sredstava koja su odobrena u Budžetu za prethodnu godinu.

IV

Sredstva za subvencije javnog prevoza se mogu odobriti i preraspodjelom sredstava u okviru Budžeta. Preraspodjela sredstava se vrši u skladu sa Zakonom o izvršavanju Budžeta Kantona Sarajevo.

V

Sredstva za subvencije javnog prevoza operaterima javnog prevoza doznachavaju se u skladu sa tromjesečnim i mjesečnim operativnim planom izvršavanja Budžeta koji odobrava Ministarstvo finansija Kantona Sarajevo.

Zbog neusklađenosti priliva sredstava u Budžet prema tromjesečnim i mjesečnim planovima novčanih tokova, Ministarstvo finansija Kantona Sarajevo može izmijeniti dinamiku doznake sredstava za ove namjene.

VI

U skladu sa propisima o subvencioniranju javnog prevoza putnika operateri javnog linijskog prevoza dostavljaju Ministarstvu spiskove subvencioniranih kategorija korisnika za izdate karte za svaku kategoriju posebno, sa adresama stanovanja za svakog pojedinačnog korisnika subvencije.

Operateri javnog prevoza putnika izdaju karte korisnicima javnog prevoza putnika na osnovu potvrda ili dokaza o pripadnosti određenoj kategoriji korisnika i dokaza o uplati vlastitog učešća korisnika (za kategorije korisnika koje plaćaju dio ili cijeli iznos karte u skladu sa Uputstvom o izmjeni Uputstva o primjeni Uredbe o subvencioniranju troškova prevoza u javnom gradskom saobraćaju na području Kantona Sarajevo).

Obaveza operatera javnog prevoza je da čuvaju i arhiviraju svu dokumentaciju koja predstavlja osnov za izdavanje karte za svaku kategoriju korisnika posebno.

Uvođenjem integrisanog elektronskog sistem naplate karata obavezuju se prevoznici da elektronski arhiviraju dokumentaciju koja predstavlja dokaz o pripadnosti određenoj kategoriji korisnika.

Na osnovu dostavljenih podataka u skladu sa Odlukom o raspodjeli prihoda koji su ostvareni prodajom svih vrsta karata, Ministarstvo vrši raspodjelu sredstva po pojedinim prevoznicima za svaku kategoriju korisnika posebno.

Ministarstvo vrši provjeru spiskova i evidentira korisnike subvencija koji nemaju pravo na subvencije (duplo evidentiranje korisnika, nepripadanje određenoj kategoriji korisnika, i sl.). Ministarstvo vrši detaljnu analizu spiskova koje dostavljaju operateri javnog prevoza i vrši kontrolu dokumentacije koja se dostavlja prilikom izdavanja kupona javnog linijskog prevoza putnika najmanje jednom kvartalno na bazi slučajnog uzorka na uzorku od minimalno 5% ukupno izdatih karata za određenu kategoriju korisnika. Ministarstvo formira komisiju za provjeru spiskova, kontrolu dokumentacije i raspodjelu sredstva po prevoznicima operaterima javnog linijskog prevoza putnika (u daljem tekstu: Komisija).

VII

Na osnovu preporuke Komisije, ministar saobraćaja donosi Odluku o raspodjeli sredstava po pojedinim prevoznicima za subvencije javnog prevoza putnika na području Kantona Sarajevo. A na osnovu donesene Odluke, Ministarstvo odobrava prebacivanje sredstava i upućuje nalog Ministarstvu finansija Kantona Sarajevo za doznačavanje sredstava.

VIII

Trošak subvencija javnog prevoza, u skladu sa Programom angažovanja dodatnih kapaciteta javnog linijskog prevoza putnika u vandrednim situacijama odvijanja saobraćaja, Programom željezničkog putničkog saobraćaja i ili drugim sličnim programima, bit će definisan posebnim Ugovorom ili Sporazumom sa operaterima javnog prevoza.

IX

Na osnovu naloga Ministarstva, Ministarstvo finansija Kantona Sarajevo doznačava sredstva iz Budžeta na transakcijski račun operatera.

X

Ovo Uputstvo stupa na snagu danom donošenja.

Broj: 04-11-4758/23
Sarajevo, 20.02.2023. godine



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-058, Fax: + 387 (0) 33 562-059
Web: <http://ms.ks.gov.ba>, E-mail: ms@ms.ks.gov.ba